



PORTAVÓS
VI GOVERN U
KONSTITUSIONÁL



**KOMUNIKADU
BA MEDIA**

Díli, Loron 30 fulan-maiu tinan 2016

Primeiru-Ministru partisipa iha Forum Ekonómiku Mundiál kona-ba ASEAN, iha Malázia

Primeiru-Ministru, Rui Maria de Araújo, sei partisipa iha Forum Ekonómiku Mundiál kona-ba ASEAN, ne'ebé sei hala'o iha Kuala Lumpur (Malázia), iha loron 1 no 2 fulan-juñu. Envolvimentu ativu husi Xefe Ezekutivu timoroan nian ne'e hatudu kompromisu Timor-Leste nian iha fortesimentu kooperasaun públiku-privada, no mós empeñu ekonómiku país nian iha rejiaun ne'e. Organizadór sira hatete katak Forum ne'e hanesan "plataforma ideál ba desizór sira husi nivel leten-aas nian (desizór sira husi topu), ne'ebé mai husi setór oin-oin, bele prodús kolaborasaun ida ne'ebé boot liután entre atividade ekonómiku, governu no sosiedade sivil, no hasoru dezafiu rejionál sira".

Iha loron-kuarta (loron1 fulan-juñu), Primeiru-Ministru, hamutuk ho nia omólogo Kamboja nian, Samdech Techo Hun Sen, sei halo "observasaun espesiál sira", iha sesaun ida kona-ba "Integrasaun finanseira iha kontestu Ázia-Pasífiku nian", molok partisipa iha sorumutuk ida kona-ba "Aprende ho ema ne'ebé hatene liu kona-ba infraestruturá ASEAN nian". Iha abertura plenáriu Forum ne'e nian, Primeiru-Ministru Rui Maria de Araújo hamutuk ho Xefe Governu Kamboja nian no ho Vise-Presidente sira husi Indonézia no Vietname nian, atu hala'o debate kona-ba "Elaborasaun Ajenda ASEAN nian ba inkluzo no kreximentu". Tuirmai, Primeiru-Ministru partisipa iha Sorumutuk Informál ida entre Lider Ekonómiku Mundiál sira (inisiativa Forum Ekonómiku Mundiál ne'ebé tinan-tinan halibur lideransa sira husi área oin-oin iha sorumutuk informál no fexada sira).

Iha loron 2 fulan-juñu (kinta-feira) hahú ho eventu ida ho naran "Fundasaun sira halibur-malu ho Lider: Primeiru-Ministru Rui Maria de Araújo" iha ne'ebé membru sira husi Young Globál Leaders, husi Global Shapers no husi Schwab Foundation Social Entrepreneurs sei halo debate ho Primeiru-Ministru kestaun sira kona-ba lideransa no kona-ba Timor-Leste. Tuir fali mai, iha Primeiru-Ministru halo diskursu iha sesaun abertura husi "Vizaun Japaun no nasaun sira seluk nian ba ASEAN".

Durante viajen ne'e tomak, tau ona iha ajenda sorumutuk lubuk ida ne'ebé inklui sorumutuk bilaterál ida ho Vise-Primeiru-Ministru Vietname nian, Trinh Dinh Dung. Bainhira fila Primeiru-Ministru sei halo mós vizita kortezia ida ba nia omólogo Singapura nian, Lee Hsien Loong.

Portavós Governu Konstitusionál VI nian, Ministru Estadu Agio Pereira konsidera katak "Primeiru-Ministru nia partisipasaun iha Forum Ekonómiku Mundiál kona-ba ASEAN ne'e hanesan sinál di'ak ida katak Timor-Leste kompromete an ona atu sai nu'udar partisipante ativu ida iha rejuvan ne'e. Ko'alia liu kona-ba kreximentu ekonómiku, iha koordenaun no iha ASEAN, Fórum ne'e sai nu'udar biban ida ne'ebé di'ak



Agio Pereira

+670 7723 0011

agio.pereira@cdm.gov.tl

govtlmedia@gmail.com

www.timor-leste.gov.tl

tebes atu kria ligasaun sira no atu hetan esperiénsia sira ne'ebé maka sei tulun país ne'e iha ninia objetivu atu harii ekonomia diversifikada no sustentavel ida iha Timor-Leste”.

Primeiru-Ministru, tuir previzaun, sei to'o iha Dili, iha sábado, loron 4 fulan-juñu. **REMATA**

